



Department for
Digital, Culture,
Media & Sport

Department for Digital, Culture, Media & Sport

**GIGABIT BROADBAND
VOUCHER SCHEME**



Telerau ac Amodau Buddiolwyr

Cynllun Taleb Band Eang Gigadid

24 Mehefin 2020

Fersiwn 5.3

Telerau ac Amodau

Mae'r telerau ac amodau hyn (gan gynnwys Atodlenni 1 a 2) yn berthnasol i **Dalebau Band Eang Gigadid** a gynigir i fuddiolwyr o dan y Cynllun Talebau Band Eang Gigadid (y **Cynllun**). Yn y telerau hyn mae "ni" yn cyfeirio at yr Adran dros Dechnoleg Ddigidol, Diwylliant, y Cyfryngau a Chwaraeon (**DCMS**) ac mae "chi" yn cyfeirio at y buddiolwr busnes bach a chanolig (BBaCh) neu breswyl (lle bo hynny'n berthnasol).

Mae'r fersiwn hon o'r telerau ac amodau hyn yn dod i rym o'r dyddiad a bennir ar dudalen glawr yr amodau a thelerau hyn. Rydych chi'n rhwym i'r fersiwn o'r telerau ac amodau hyn sydd mewn grym ar y dyddiad y bydd eich cyflenwr yn gofyn am daleb ar eich rhan.

Fe'ch hysbysir a yw'ch taleb yn Daleb Wledig (fel y'i diffinnir yn Atodlen 1) neu'n gymwys i gael cyllid ychwanegol. Os yw hyn yn wir, yna bydd amodau telerau eraill yn berthnasol fel yr amlygir isod ac fel y nodir yn Atodlenni 1 a 2.

1. Ynglŷn â'm cysylltiad

- 1.1 Er mwyn bod yn gymwys i dderbyn grant taleb, rhaid i chi gymryd cysylltiad band eang newydd sy'n cwrdd â rheolau'r Cynllun y cytunwyd arno gan eich cyflenwr ac sydd ar gael oddi wrth <https://gigabitvoucher.culture.gov.uk>. Yn ogystal, rhaid iddo o leiaf ddyblu eich cyflymder band eang cyfredol – i gael rhagor o fanylion gweler paragraff 4 isod.
- 1.2 Rhaid i'r contract ar gyfer gwasanaeth yr ydych yn ymrwymo iddo gyda'r cyflenwr o'ch dewis fod am o leiaf 12 mis, heb unrhyw gyfnodau am ddim.
- 1.3 Os ydych chi'n BBaCh sy'n gweithredu o sawl lleoliad gallwch ddefnyddio taleb i gefnogi cost mwy nag un cysylltiad hyd at werth taleb gymwys uchaf y Cynllun. Dim ond ar gyfer cysylltiadau cymwys mewn adeilad yr ydych chi'n masnachu ohono neu (yn achos buddiolwyr preswyl) yn byw y gellir defnyddio talebau. Efallai mai dyma'ch swyddfa gofrestredig a/neu gyfeiriad(au) masnachu yn achos buddiolwyr BBaCh.
- 1.4 Lle mae nifer o fusnesau'n gweithredu o'r un adeilad a rennir, rydym yn cadw'r hawl i gyfyngu ar nifer y buddiolwyr talebau yn yr adeilad.
- 1.5 Rydym yn cadw'r hawl i roi'r gorau i roi talebau unrhyw adeg cyn 31 Mawrth 2021 (pan fydd y Cynllun yn dod i ben).
- 1.6 Pan gytunwch i gymryd cysylltiad newydd gan eich cyflenwr gyda chefnogaeth taleb, rhaid i'ch cyflenwr anfon cais atom am daleb ar eich rhan gan ddefnyddio'r porth ar-lein a ddarperir gan y Cynllun. Rhaid i chi gytuno cyn pen 28 diwrnod trwy ymateb i e-bost fyddwn yn ei anfon i'r cyfeiriad e-bost rydych chi'n ei ddarparu i'ch cyflenwr. Os na roddwch eich cytundeb o fewn yr amser hwn gellir canslo cais eich cyflenwr am daleb ar eich rhan.
- 1.7 Rhaid gosod eich cysylltiad newydd cyn pen 12 mis ar ôl rhoi taleb. Os na all eich cyflenwr gyflwyno'ch cysylltiad newydd erbyn y dyddiad hwn, bydd y daleb yn dod i ben ac ni fydd y grant ar gael mwyach. Nid ydym yn derbyn unrhyw gyfrifoldeb am gostau cysylltiadau na chânt eu cyflwyno cyn pen 12 mis ar ôl cynnig taleb.
- 1.8 Nid yw'r cynnig taleb na'i ddyroddi na'i ddiffyg dyroddi yn unol â'r telerau ac amodau hyn yn effeithio ar y contract gwasanaeth yr ydych wedi'i dderbyn gyda'r cyflenwr o'ch dewis.

1.9 Dim ond pan fyddant yn rhan o brosiectau y cytunwyd arnynt gennym y caiff preswylwyr gymryd rhan yn y Cynllun ac elwa ar dalebau. At ddibenion y Cynllun ystyr "**preswlydd**" yw buddiolwr yn y DU nad yw'n fenter.

2. **Ynglŷn â thalu fy nhaleb**

2.1 Gwneir taliad am dalebau yn uniongyrchol i'ch cyflenwr, nid i chi na'ch busnes/sefydliad. Bydd eich cyflenwr yn ein hysbysu pan fydd eich cysylltiad wedi'i gyflwyno. Byddwn yn gwirio gyda chi bod y cysylltiad wedi'i gyflwyno cyn i ni dalu i'ch cyflenwr. Bydd gofyn i chi wneud datganiad bod y gwasanaeth newydd wedi'i osod a'i fod yn perfformio yn ôl y disgwyl. Os na wnewch y datganiad hwn, ni fyddwn yn gallu talu'ch taleb. Rhaid i chi ymateb i'n ceisiadau am wybodaeth cyn pen 28 diwrnod neu gellir canslo'ch taleb.

2.2 Ni ellir defnyddio'r daleb i dalu TAW yn achos buddiolwyr BBaCh. Ni ellir defnyddio'r daleb i gefnogi unrhyw gostau parhaus ar ôl gosod eich cysylltiad. **Gweler Atodlen 1 am drin Talebau Gwledig.**

2.3 Rydym wedi cytuno â'ch cyflenwr bod gan y daleb werth uchaf y gellir ei hawlio yn erbyn taliadau gosod cymwys eich cysylltiad. Uchafswm gwerth y daleb ar gyfer buddiolwr BBaCh yw £2,500 a'r isafswm gwerth yw £500. Lle bo hynny'n berthnasol, bydd gan dalebau preswyl werth o £500 (heb gynnwys TAW), a dim ond i dalu taliadau gosod £500 ynghyd â'r TAW cymwys ar y swm hwn y gellir defnyddio talebau, yn amodol ar gytundeb eich Cyflenwr â chi. Os ydych chi'n fuddiolwr i BBaCh a bod eich taliadau gosod yn uwch na £2,500 neu os ydych chi'n fuddiolwr preswyl a bod eich taliadau gosod yn uwch na £500 (heb gynnwys TAW), yna byddwch chi'n atebol am dalu'r gwahaniaeth i'r cyflenwr. Os yw'r taliadau gosod ar gyfer BBaCh a buddiolwyr preswyl yn is na £500 (heb gynnwys TAW) ni fydd eich cysylltiad yn gymwys i gael cymorth talebau. **Gweler Atodlenni 1 a 2 i drin Talebau Gwledig neu lle mae cyllid ychwanegol yn berthnasol.**

2.4 Mae talebau ar gyfer costau gosod a sefydlu unwaith ac am byth yn unig, fel y cytunwyd gyda'ch cyflenwr. Gall y costau hyn gynnwys ffioedd gosod; offer seilwaith allanol; taliadau adeiladu gormodol a gwaith peirianeg; a chostau sefydlu ac arolygu. Mae'r holl gyflenwyr cofrestredig wedi ymrwymo i set o delerau ac amodau sy'n nodi'n glir pa gostau gosod sy'n gymwys neu'n anghymwys o dan delerau'r Cynllun.

2.5 Ni ellir hawlio am offer cyfrifiadurol a TGCh o dan y Cynllun, nac ychwaith am daliadau referniw am storio/gwneud copi wrth gefn/defnyddio cymwysiaid fel y rhai sydd ar gael trwy wasanaethau cwmwl.

2.6 Ni allwch elwa o daleb i gefnogi costau cysylltiad sydd gennych eisoes neu i ddisodli cysylltiad sydd eisoes yn gigadid-alluog. Ni ellir hawlio yn ôl unrhyw beth rydych chi'n ei wario cyn dyddiad eich cynnig taleb.

2.7 Ni all y Cynllun dalu am unrhyw daliadau canslo yr eir iddynt naill ai am derfynu contract presennol yn gynnar neu am daliadau canslo sy'n gysylltiedig â chynnig cyflenwr yr ydych yn dewis peidio â'i dderbyn.

3. **Eich cyfrifoldebau**

3.1 Rydych chi'n gyfrifol am ddarparu'r holl wybodaeth y gofynnir amdani yn rhesymol gennym ni neu'r corff lleol ar gyfer eich ardal y mae'r Cynllun yn berthnasol iddo cyn gynted ag sy'n ymarferol, gan gynnwys unrhyw wybodaeth ychwanegol a allai fod yn angenrheidiol at

ddibenion prosesu'ch taleb neu benderfynu ar swm eich dyfarniad neu eich cymhwysedd. Os na fyddwch yn ymateb i unrhyw gais rhesymol am wybodaeth o fewn 28 diwrnod efallai y byddwn yn penderfynu tynnu cynnig taleb yn ôl.

- 3.2 Rydych chi'n gyfrifol am wirio eich bod chi'n cwrdd â'r gofynion cymhwysedd ar gyfer y Cynllun. Gofynnir i chi hunan-ardystio eich bod yn cwrdd â meini prawf diffinio busnesau bach a chanolig¹ (lle bo hynny'n berthnasol) a'ch bod yn gymwys i dderbyn cyllid o dan Reoliad De Minimis.²
- 3.3 Os bydd angen i chi wneud hynny rhaid i chi ddarparu tystiolaeth o'ch statws fel busnes bach a chanolig neu unig fasnachwr. Mae'r ddogfennaeth y byddwn yn ei derbyn yn cynnwys: Cofrestrriad TAW; Cofrestrriad Elusennau: hysbysiad Cyllid a Thollau EM; rhif UTR masnachwr unig; ardystio corffori (cwmnïau cyfyngedig); cyfriflen cyfrif banc busnes a gyhoeddwyd o fewn y tri mis diwethaf; cyfeirnod ardrethi annomestig. Gall dogfennaeth arall, fel biliau cyfleustodau sy'n gysylltiedig â busnes, fod yn dderbyniol mewn rhai amgylchiadau os cânt eu cyfuno â dogfennaeth arall.
- 3.4 Nid yw paragraffau 3.2 a 3.3 yn berthnasol pan ddsberthir bod y buddiolwr yn "breswlydd".
- 3.5 Rydych yn cytuno i ddarparu gwybodaeth a chymorth rhesymol i gefnogi hyrwyddo'r Cynllun, gan gynnwys darparu gwybodaeth ar gyfer astudiaeth achos a chymryd rhan mewn unrhyw arolygon gwerthuso Cynllun.

4. Gofynion cysylltedd

- 4.1 Rhaid i bob cysylltiad a gefnogir gan dalebau gyflawni'r **DDWY** nodwedd ganlynol:
- 4.1.1 gallu darparu cysylltedd band eang i'ch adeilad ar neu uwchlaw 1Gbye uwchlwytho neu lawrlwytho gan ddefnyddio unrhyw dechnoleg ar adeg cyflwyno'r cysylltiad heb fod angen uwchraddio neu addasu caledwedd yn y dyfodol (ac eithrio CPE - nid yw'n orfodol defnyddio CPE 1Gbye-alluog o'r cychwyn os nad yw'n ofynnol i hyn ddarparu gwasanaeth); a
- 4.1.2 danfon o leiaf 30Mbit yr eiliad i'ch adeilad. Rhaid i'r gwasanaeth band eang wedi'i uwchraddio ddarparu "newid sylweddol" mewn gwasanaeth sydd o leiaf yn dyblu cyflymderau o'i gymharu â'r gwasanaeth rydych chi'n ei ddefnyddio ar hyn o bryd.
- 4.2 **NID** yw unrhyw gysylltiad presennol sydd eisoes yn 1Gbye-alluog neu uwch i'r naill gyfeiriad neu'r llall yn gymwys i elwa o daleb o dan y Cynllun. **NID** yw unrhyw Adeilad sy'n gallu derbyn cyflymder >100Mb/ye (fel y penderfynir gennym ni) yn gymwys i elwa ar daleb o dan y Cynllun, p'un a yw'r cysylltiad hwnnw'n cael ei ddefnyddio ar hyn o bryd ai peidio.
- 4.3 Yn y telerau ac amodau hyn, mae cyflymderau'n uwchlwytho neu lawrlwytho ac nid o reidrwydd ar yr un pryd. Dim ond pan gânt eu cynnwys fel rhan o Becyn Cyn-Gofrestredig

¹ http://ec.europa.eu/regional_policy/sources/conferences/state-aid/sme/smedefinitionguide_en.pdf - Canllaw i fusnesau ynghylch diffiniad BBaCh

² Rheoliad y Comisiwn (EC) Rhif 1998/2006 ar 15 Rhagfyr 2006 ar gymhwyso Erthyglau 87 ac 88 o'r Cytuniad i gymorth de minimis, L 379/5, OJEU, 28 Rhagfyr 2006, yn: <http://eur-lex.europa.eu/LexUriServ/LexUriServ.do?uri=OJ:L:2006:379:0005:0010:en:PDF> – canllaw ar gyfer terfynau de minimis

Prosiect y cytunwyd arno ac sy'n arwain at ddefnyddio ffibr llawn ychwanegol y caniateir technolegau diwifr.

4.4 Er mwyn bod yn gymwys ar gyfer y Cynllun, unwaith y bydd y cysylltiad terfynol wedi'i wneud â'ch adeilad a'ch bod yn cymryd gwasanaeth, rhaid i'r cyflenwr gadarnhau bod y seilwaith sy'n cefnogi ei wasanaeth yn gallu darparu cysylltedd 1Gb i chi cyn pen 10 diwrnod gwaith ar ôl gorchymyn uwchraddio manwerthu/cyfanwerthu dilys (neu'r amserlen leiafswm y gellir ei chyflawni oherwydd cyfyngiadau rheoleiddio allanol) heb fod angen unrhyw uwchraddio cyfalaf/ seilwaith/offer goddefol ychwanegol (ac eithrio CPE).

5. **Amodau cyffredinol**

5.1 Ni ellir trosglwyddo talebau i fuddiolwyr neu eiddo eraill.

5.2 Nid ydym yn atebol mewn unrhyw ffordd am wallau defnyddwyr na defnydd anawdurdodedig o dudalennau gwe a deunyddiau cymhwysiad y Cynllun gan gyflenwyr neu fuddiolwyr.

5.3 Nid ydym yn atebol mewn unrhyw ffordd am wybodaeth anghyflawn, ffug neu gamarweiniol a roddir gan fuddiolwyr (gan gynnwys chi) neu gyflenwyr. Pan roddir gwybodaeth anghyflawn, ffug neu gamarweiniol, rydym yn cadw'r hawl i naill ai ganslo'r daleb neu adennill gwerth y daleb yn llawn.

5.4 Rydym yn cadw'r hawl i derfynu neu amrywio telerau'r Cynllun mewn unrhyw ffordd ar rybudd rhesymol. Yn ogystal â chael gwybod am unrhyw amrywiadau a wneir i delerau'r Cynllun, mae'r telerau cyfredol ar gael ar gais ar unrhyw adeg.

5.5 Rydym yn cadw'r hawl i ddod â'r Cynllun i ben unrhyw adeg.

5.6 Ni chaiff sefydliadau sector cyhoeddus (gan gynnwys ysgolion y wladwriaeth) elwa o'r Cynllun.

5.7 Ni chaiff ysgol sector preifat sy'n gweithredu rhwng 3 a 18 oed neu unrhyw sefydliad sy'n ymwneud yn llwyr â chynnig darpariaeth o dan y gofynion i bobl ifanc aros mewn addysg nes eu pen-blwydd yn 18 oed elwa o'r Cynllun.

5.8 Nid ydym yn cymeradwyo unrhyw gyflenwr neu gynnyrch penodol a dylech gynnal yr holl wiriadau arferol i fodloni eich hun o statws y cyflenwr ac addasrwydd y cynnyrch cyn gosod archeb yn uniongyrchol gyda'r cyflenwr o'ch dewis.

5.9 Nid ydym yn derbyn unrhyw gyfrifoldeb am unrhyw waith cysylltu a wneir. Cyfrifoldeb y cyflenwr a ddewiswyd yw sicrhau bod y cysylltiad wedi'i osod yn gywir a heb golled na difrod. Dylech sicrhau eich hun bod y cysylltiad wedi'i osod yn gywir cyn cadarnhau bod eich gosodiad wedi'i gwblhau.

5.10 Rydych yn cytuno i ddarparu unrhyw wybodaeth a chymorth ychwanegol y bydd ei angen arnom yn rhesymol o bryd i'w gilydd mewn perthynas â gweithrediad y Cynllun. Gall hyn gynnwys (heb derfyn) darparu mynediad rhesymol i'ch adeilad neu rwydwaith at ddibenion gwneud gwiriadau cydymffurfio perthnasol gennym ni neu ein hasiantau.

5.11 Os derbyniwch unrhyw gais am wybodaeth o dan Ddeddf Rhyddid Gwybodaeth 2000 (neu ddeddfwriaeth gyfatebol) sy'n ymwneud â'r Cynllun a/neu ni, byddwch yn darparu cais o'r fath i ni yn ddi-oed.

5.12 Bydd y telerau ac amodau hyn yn ddarostyngedig ac yn cael eu dehongli yn unol â chyfraith Lloegr ac yn ddarostyngedig i awdurdodaeth unigryw llysoedd Cymru a Lloegr.

6. Diogelu data

6.1 Os ydych yn fuddiolwr corfforaethol, byddwn ni a chithau yn cydymffurfio â'r holl ddeddfau diogelu data cymwys. Bydd unrhyw ddata personol (am eich gweithwyr, cynrychiolwyr cwmni neu fel arall) a ddarperir gennych yn cael ei ddefnyddio yn unol â'n datganiad preifatrwydd yn <https://gigabitvoucher.culture.gov.uk/>. Rhaid i chi gydymffurfio ag unrhyw weithdrefnau diogelu data ychwanegol a hysbyswyd gennym ni a sicrhau (a) eich bod wedi darparu ein datganiad preifatrwydd i weithwyr, cynrychiolwyr cwmnïau neu fel arall (fel sy'n berthnasol); a (b) bod yr holl hysbysiadau prosesu teg wedi'u rhoi a/neu, fel sy'n berthnasol, ceir cydsyniadau i'n galluogi i brosesu'r data perthnasol at ddibenion y Cynllun.

6.2 Bydd gennym hawl i'w gwneud yn ofynnol i chi gydymffurfio â pha bynnag ddarpariaethau ychwanegol y byddwn yn rhesymol yn penderfynu eu bod yn angenrheidiol er mwyn ein galluogi ni a chithau i gydymffurfio â'n rhwymedigaethau priodol o dan Reoliad (EU) 2016/679 Senedd Ewrop a'r Cyngor ar 27 Ebrill 2016 ar amddiffyn pobl naturiol mewn perthynas â phrosesu data personol a diddymu Cyfarwyddeb 95/46/EC (Rheoliad Diogelu Data Cyffredinol) OJ L 119/1, 4.5.2016 (sef y RhDDC).

6.3 Os ydych yn fuddiolwr preswyl, bydd unrhyw ddata personol a ddarperir gennych yn cael ei ddefnyddio yn unol â'n datganiad preifatrwydd yn <https://gigabitvoucher.culture.gov.uk/>.

Atodlen 1 - Talebau Gwledig

Yn yr amodau a thelerau hyn mae "**Talebau Gwledig**" yn golygu talebau sy'n berthnasol i adeiladau gwledig o dan y rhaglen Cysylltedd Gigabit Gwledig (RGC) fel y penderfynir gennym ni (gweler y canllaw cymhwysedd a ddarperir yn nhudalennau <https://gigabitvoucher.culture.gov.uk/home/who-is-eligible/> gwefan y Cynllun)

Mae'r telerau ac amodau hyn yn berthnasol i Dalebau Gwledig ar bob cyfrif, gyda'r eithriadau canlynol:

Mae paragraff 2.3 uchod yn cael ei ddisodli gan y canlynol: "Rydym wedi cytuno â'ch cyflenwr bod gan y daleb werth uchaf y gellir ei hawlio yn erbyn taliadau gosod cymwys eich cysylltiad. Uchafswm gwerth y daleb ar gyfer buddiolwr BBaCh yw £3,500 ac isafswm y gwerth yw £500. Bydd gan dalebau preswyl werth uchaf o £1,500 ac isafswm gwerth o £500 (gan gynnwys TAW). Os ydych chi'n fuddiolwr BBaCh a bod eich taliadau gosod yn uwch na £3,500 neu os ydych chi'n fuddiolwr preswyl sydd â'ch taliadau gosod yn uwch na £1,500 (gan gynnwys TAW), yna byddwch yn atebol am dalu'r gwahaniaeth i'r cyflenwr. Os yw'r taliadau gosod ar gyfer BBaCh a buddiolwyr preswyl yn is na £500 (gan gynnwys TAW) ni fydd eich cysylltiad yn gymwys am gefnogaeth talebau."

Gelwir prosiectau gyda thalebau mewn ardaloedd gwledig cymwys yn **Brosiectau RGC**.

Atodlen 2 - Cyllid Ychwanegol

Mae'r telerau ac amodau hyn yn berthnasol pan ydych yn fuddiolwr mewn perthynas â'r prosiectau perthnasol a nodir isod ar bob cyfrif, ac eithrio bod gwerthoedd y daleb mewn perthynas â'r prosiectau perthnasol fel y nodir isod.

	Prosiectau	Cyllid Ychwanegol
1.	Prosiectau Cymraeg (14 Mai 2020, nodwch fod ceisiadau am dalebau ar gyfer y prosiectau hyn wedi cau)	Mae gwerth y daleb i: <ol style="list-style-type: none"> 1. Buddiolwyr BBACh rhwng £500 a £5,500; a 2. Buddiolwyr preswyl rhwng £600 a £960 (gan gynnwys TAW), <p>ym mhob achos tra bo cyllid talebau yn parhau i fod ar gael.</p>
2.	Prosiectau RGC yng Nghymru	Mae gwerth y daleb i: <ol style="list-style-type: none"> 1. Buddiolwyr BBACh Prosiectau RGC yng Nghymru yn £500 i £7,000 (heb gynnwys TAW), ar yr amod bod uchafswm gwerth y daleb o £7,000 yn berthnasol dim ond os pan ofynnir am y daleb bod y cyflymder band eang sydd ar gael yn yr eiddo ar lai na 30 Mbye (fel y penderfynir gan DCMS ac a yw'r cysylltiad perthnasol yn cael ei ddefnyddio ar hyn o bryd ai peidio). Fel arall, gwerth y daleb fydd rhwng £500 a £3,500 (gan gynnwys TAW); a 2. Buddiolwyr preswyl Prosiectau RGC yng Nghymru yn £500 i £3,000 (gan gynnwys TAW), ar yr amod bod uchafswm gwerth y daleb o £3,000 yn berthnasol dim ond os pan ofynnir am y daleb fod y cyflymder band eang sydd ar gael yn yr eiddo yn llai na 30 Mbye (fel y penderfynir gan DCMS ac a yw'r cysylltiad perthnasol yn cael ei ddefnyddio ar hyn o bryd ai peidio). Fel arall, gwerth y daleb fydd rhwng £500 a £1,500 (heb gynnwys TAW).
3.	Prosiectau Caint	Mae gwerth y daleb i: <ol style="list-style-type: none"> 1. Buddiolwyr BBACh Prosiectau RGC yng Nghaint yn £500 i £3,500; 2. Buddiolwyr preswyl Prosiectau RGC yng Nghaint yn £500 i £2,500 (gan gynnwys TAW), ar yr amod bod uchafswm gwerth y daleb o £2,500 yn berthnasol dim ond os ar yr adeg y gofynnir am y daleb: (i) bod yr eiddo yn fwy na thair (3) mlwydd oed; a (ii) bod y cyflymder band eang sydd ar gael yn yr eiddo yn llai na 30 Mbye (fel y penderfynir gan DCMS ac a yw'r cysylltiad perthnasol yn cael ei ddefnyddio ar hyn o bryd ai peidio). Fel arall, gwerth y daleb fydd rhwng £500 a £1,500 (gan gynnwys TAW);

	Prosiectau	Cyllid Ychwanegol
		<p>3. Buddiolwyr BBACh yng Nghaint (nad ydynt yn ymwneud â Phrosiectau RGC) yn £500 i £2,500; a</p> <p>4. Buddiolwyr preswyl yng Nghaint (nad ydynt yn ymwneud â Phrosiectau RGC) yn £600 (gan gynnwys TAW) neu £500 (heb gynnwys TAW),</p> <p>ym mhob achos tra bo cyllid talebau yn parhau i fod ar gael.</p>
4.	Prosiectau RGC Partneriaeth y Gororau	<p>Mae gwerth y daleb i:</p> <ol style="list-style-type: none"> 1. Buddiolwyr BBACh Prosiectau RGC ym Mhartneriaeth y Gororau yn £500 i £7,000 (heb gynnwys TAW), ar yr amod bod uchafswm gwerth y daleb o £7,000 yn berthnasol dim ond os pan ofynnir am y daleb bod y cyflymder band eang sydd ar gael yn yr eiddo yn llai na 30 Mbye (fel y penderfynir gan DCMS ac a yw'r cysylltiad perthnasol yn cael ei ddefnyddio ar hyn o bryd ai peidio). Fel arall, gwerth y daleb fydd rhwng £500 a £3,500 (gan gynnwys TAW); a 2. Buddiolwyr preswyl Prosiectau RGC ym Mhartneriaeth y Gororau yn £500 i £3,000 (gan gynnwys TAW), ar yr amod bod uchafswm gwerth y daleb o £3,000 yn berthnasol dim ond os pan ofynnir am y daleb bod y cyflymder band eang sydd ar gael yn yr eiddo yn llai na 30 Mbye (fel y penderfynir gan DCMS ac a yw'r cysylltiad perthnasol yn cael ei ddefnyddio ar hyn o bryd ai peidio). Fel arall, gwerth y daleb fydd rhwng £500 a £1,500 (heb gynnwys TAW).
5.	Prosiectau RGC yng Ngorllewin Sussex	<p>Mae gwerth y daleb i:</p> <ol style="list-style-type: none"> 1. Buddiolwyr BBACh Prosiectau RGC yng Ngorllewin Sussex yn £500 i £4,000 (heb gynnwys TAW); a 2. Buddiolwyr preswyl Prosiectau RGC yng Ngorllewin Sussex yn £500 i £4,000 (gan gynnwys TAW).